



Australian Government



COVID-19 véksin ólla toiyari gorá

Akhéri taza goijjá: 30 Julai 2021

Tuñár tofsil ókkol sóiyi dé yekin óo

Tuñár epóinmén ór entezar or cómot, toiyar óibólla héçe tuñúi gorífaribá dé kessú ciz ókkol asé.

Medicare ot tuñár tofsil ókkol [aijjar taza asé dé hían fakka goró](#), zodi tuñí laayek óile (yad raikkó tuñúi Medicare ólla laayek noóile údda, tuñúi oggwá COVID-19 loifaribá), hían gorí faribá:

- [myGov](#) ót tuñár [Medicare onláiin hísáb](#) óttu
- [Express Plus Medicare app](#) óttu.
- [Medicare program](#) oré koól gorí.

Zodi tuñár ekóun tuñáttu banaiya notáké, tuñúi faribá:

- [Medicare ot bótti ói](#), zodi tuñáttu bótti óiya notáké.
- [Medicare onláiin ekóun banai](#), zodi tuñúi Medicare ot bótti óiya asé, lékin tuñár Medicare óre tuñúi myGov loi zurai noódo.
- [Oggwá Individual Health Identifier \(IHI\) lo](#), zodi tuñúi Medicare ólla hókdar noóile.

Zehón tuñúi tuñár véksin faiba, tuñár véksin marar háisiyót óre deháibólla ekkán firazárani tuarikh or boyan nama ekkán tuñár faibar kabel bonibá. Services Australia websófat [keén gorí tuñár firazárani tuarikh or boyan nama](#) faiba de hót faibá.

Epóinmén ólla toiyari gorá

Australia adde guñchá duniyait COVID-19 véksin or mahádud salani asé de. Hían maáni, saktó COVID-19 dhoñór hótóra asé dé ar/yá váires gwár sámna óiye dé manúic é véksin foóila faibo. Oinno manúic é véksin or thaim or uore faibo. Véksin maribólla hon manúic óre age diyazaibo saibólla, eçe góló www.health.gov.au/covid19-vaccines. Oggwá COVID-19 véksin allá nam leká dífaribá né tuñúi cek gorí faribá <https://covid-vaccine.healthdirect.gov.au/> or góliyore.

COVID-19 véksin marar ekkán epóinmén ot tuñáttu **no** uçoonsá zodi tuñúi:

- zor, hañc, fainná nak yáto oinno alamot ókkol loi gom notákíle, ziín COVID-19 óttu óitfare
- COVID-19 theés or notija ókkol ólla entezar gorór
- COVID-19 pozítív óiyó ar tuñúi ehón alog tákát asé
- quarantin ót asó
- COVID-19 ola honó manúic loi dháké talluk óiye.

Uoror kisím ókkol óttu honó oggwát tuñúi gólíle, tuñár firazárani kérmos doiya attú cek goró. Véksin maribólla tuñáttu dubara thaim mutain gorá foritfare. COVID-19 elaj or thaim ot COVID-19 véksin ohazor.

Tuñár COVID-19 véksin marar epóinmén or age 7 din or bútóre tuñáttu oinno véksin luwa óile, tuñár firazárani kérsmos doiya ré honó. Tuñár firazárani kérsmos doiya ye tuñáre dubara epóinmén ólla hoóitfare.

Véksin marar age tuñáttu COVID-19 theés gorá noforibó, zodi tuñáttu zor yáto niyac or rastar alamot ókkol notáké.

Sárme dui foijjal ollá plan goró

Tuñár COVID-19 or véksin tuñúi dui foijjal loon gán dorhari. Duní foijjal ókkol ór mazé homot tin háfta durádujja wáaforibó, zodi tuñúi COVID-19 Pfizer [Comirnaty] véksin loiyó dé óile. Duní foijjal ókkol ór mazé homot 12 háfta durádujja táka foribó, zodi COVID-19 Véksin AstraZeneca loiyó dé óile. Moksus hálabostá ókkol ot duní foijjal or mazór wóktó ré 12 háfta attú 4 háfta ttú aró hom noóde héddur baiththá goróon munaséb. Tuñár dusóra foijjal loi homot ek háfta baade, COVID-19 óttu beétór héfázót goríbódé.

Tuñár véksin marar epóinmén ot ki acá gorár asé

Tuñár COVID-19 véksin marar epóinmén ot lamar híin tuñáttu loiza foribó:

- ID fothú, zodi tuñáttu táké
- Medicare kaádh, zodi tuñáttu táké
- soijja ID, zodi tuñúi tuñár pecár háatere COVID-19 véksin foórdde óile
- tuñár elaji abostá ókkol, ozat ókkol, khúnzarir betallya ókkol yáto defáyi takot or komzuri (yáni, komzur goijjá defáyi nezám)
- tuñúi luwat asóode honó dabai ókkol ór maalummat
- age luwagiíl dé COVID-19 or honó véksin or babote maalummat (véksin or marhá adde marar tarík)
- age honótte honó véksin loi uzan baáni ókkol ór maalummat
- tuñár ehón or GP/ókkol adde honó mahér daktor ókkol ór nam zarloi tuñúi dehágoró
- muk ór ekkán másk (zodi tuñár raizzo/elaka ye saá).

Tuñár epóinmén ot, COVID-19 véksin marar babote tuñáttu asé dé honó súwal ókkol óre tuñár firazárani kérmos doiya loi biyasana gorífaribá.

Tuñár firazárani kérmos doiya ré honó, zodi tuñúi 60 bosór or lamat óile, yáto zodi tuñáttu honó elaj abostá ókkol táke, yá honó dabai luwat asóode óile. Háasgorí, hítáraré fakka gorí hoó zodi tuñáttu:

- ekkán ozattya uzan baaní óiye fóila foijjal or COVID-19 véksin loi yáto véksin gwár fudh ekkán loi
- anaphylaxis (ekán soktó ozattya uzan baáni) óiye oinno véksin ókkol yáto dabai ókkol ór zoriya
- oinno hótóra uzan wakiya zían óre oggúa COVID-19 véksin or agor foijjal or híkka nisbot gorá giyyé ekzon mahér saá motafek
- duarainna anaphylaxis ola fakka goijjá mastocytosis ór ekkán wakiya asé zían é elaj gorár tokaza gorér
- honótte capillary leak syndrome loi forikká gorá giíl
- thrombocytopenia loi lagaiya dhoñór venous ar/yá arterial thrombosis accíl, zeçé forikká goijjá Thrombotic Thrombocytopenic Syndrome (TTS) cáamel asé, háas gorí oggúa COVID-19 véksin or agor foijjal or baade

- tuñátt heparin induced thrombocytopenia (HIT) adde central venous sinus thrombosis (CVST), abdominal veins (splanchnic veins) ot low zomani ókkol yáto low zomani loi lagaiya antiphospholipid syndrome or wakiya asé
- myocarditis ar/ya pericarditis accíl
- hora rheumatic zor yáto endocarditis ehón asé yáto age accíl
- foidaeci kolób bearam asé
- dilated cardiomyopathy (30 bosór or lamar manúic óttu) asé
- Sektó kolób or nakami asé
- kolób bodoli looiya ókkol
- betallya khúnzari tákíle, yáto anticoagulant therapy (khún fatol goróoni) loór dé óile
- hámel óile
- bearam defáyi cókti komzur óile (yáni, defáyi nezám komzur gorágilé, yáto defáyi takot saf ot rakéde dabai loilé)
- age honótte COVID-19 óoildé óile, yáto COVID-19 bearam ehón solat asé
- Oinno COVID-19 véksin loiyó dé óile (ar híba ki marhá)
- Gelde 7 din ot honó véksin loiyó dé óile

Baás hálot ókkol ót mazé, véksin mara allá ekkán epóinmén loibar age véksin marar babote tuñát sehéti kérmos doiya loi biyasana goróon gán behétor. Tuñúi loórdde háas véksin or babote maalumát ó tuñúi forífaribá:

- [COVID-19 Pfizer \(Comirnaty\) véksin or maalumát](#), yáto
- [COVID-19 Véksin AstraZenecar maalumát](#)

Tuñúi véksin keén gorí loiba

Oggwá injekcén ór cokól ot tuñúi véksin gwá loiba, aksér tuñár dhuñwár uoror gussot. Véksin marar baade homot 15 minít fujjonto hálot saásita goríbólla tuñát véksin maroinna kiliník táká fore. Tuñár elaji tuarikh hísafe, tuñáre huwázaitfare kiliník ot 30 minít fujjonto tákíbollá.

Tuñár epóinmén ot tuñár diyya maalumát keéngorí estemal gorágiyyé

Tuñár zaati tofsil ókkol keéngorí luwagiyyé, rakágiyyé ar estemal gorágiyyé hían or beec maalumát ollá, soó <https://www.health.gov.au/using-our-websites/privacy/privacy-notice-for-covid-19-vaccinations>